

臺灣歷史文獻叢刊

臺灣光復五十週年紀念

臺灣外志



臺灣歷史文獻叢刊

福建師範大學
圖書館藏
書印記

臺灣外志

臺灣省文獻委員會印行



T0666372

臺灣歷史文獻叢刊

臺灣外志 一

著者：江 日 昇

發行人：簡 榮 聰

出版：臺灣省文獻委員會

地址：南投市中興新村光明一路二五二號
電話：（〇四九）三一六八八一～五

印刷：臺灣省政府印刷廠

地址：臺中縣大里鄉中興路一段二八八號
電話：（〇四）三三九三一～二六〇八

定價：
精裝：新台幣二百六十五元
平裝：新台幣二百一十五元

中華民國八十四年八月三十一日

ISBN 957-00-5801-3 (精裝)

ISBN 957-00-5805-6 (平裝)

重刊臺灣外志序（明鄭史料類）

同治甲戌，牡丹社事起，沈文肅公治軍臺南，從郡紳之請，奏建明延平郡王祠，有云：「明末延平郡王賜姓鄭成功者，福建泉州府同安縣人，少服儒冠，長遭國恤，感時仗節，移孝作忠，寰宇難容洛邑之頑民，向滄溟獨闢田橫之別島，奉故主正朔，墾荒裔山川。」寥寥數語，鄭成功畢生志節表露無遺，足抵長篇大論，文肅公之言，真深知鄭成功者也。

昔清人入關，明祚垂亡，義師勤王，後先繼起，死難之烈，遠逾前代，如弘光時之史可法、隆武時之黃道周，以及魯王監國於浙、永曆即位於滇，率皆曇花一現，不旋踵即冰消瓦解，未克與清師爭雄，獨延平郡王異軍特起，支撐半壁東南，傳其子孫，延明祚三十餘年，至今偉烈豐功，猶堪頑廉立懦！

稽諸史乘，王初以一介儒生，慨於君王之蒙難，乃焚襦棄儒，樹招討大將軍幟，藉彈丸之金廈二島以抗清師，二次北征，所到處多望風投降，清廷亦爲之震撼，迨師阻金陵，功敗垂成，遂驅荷夷而復臺灣，設職官、興學校、佈屯

田，百廢俱舉，奈將星忽隕，齎恨以終，其遺恨固至深且痛，然王之精神氣節，則千秋不泯也。

王之先世崛起海上，傳子而孫，凡四世，史料浩瀚，諸如正史官書之載記，大臣將帥之奏疏，文人學士之著述，譜牒碑版之傳狀……等，皆彌足珍貴。各家所記，立場容或歧異，惟鈎玄探隱，歷史真相終不難大白於世，故仍無損其史料價值也，曩者臺灣銀行經濟研究室所刊「臺灣文獻叢刊」，相關史料蒐羅殆盡，嘉惠士林，功不可沒，爰以此為基礎，並新增若干，彙為一篇，重付剞劂，以廣其傳。

本書《臺灣外志》，分十卷，江日昇撰。日昇著《臺灣外記》，備載鄭氏史事，校本甚繁，以致異名疊出，《臺灣外志》即其常見者。民國四十七年，方豪教授據其發現於加利福尼亞大學東亞圖書館之《臺灣外志》抄本兩種，撰成《臺灣外志兩抄本和臺灣外記若干校本的研究》，進而成《臺灣外記》合校本。本書係道光十三年江恆光精校抄本，書末有恆光跋文二篇，為加大圖書館兩抄本所無者，據江跋所述，知是書經其「搜羅參訂」、「悉心校正」，且發

現於合校本刊行之後，故頗具校勘價值，茲據臺北市文獻委員會林萬傳先生提供珍本，付諸影印，以利學者。

余忝掌臺灣省文獻委員會，以職責所繫，並感念長官之期望，無時不以文獻史料之蒐羅、保存爲念，庶先賢心血不致湮滅，而提供學者之研究素材，茲值本輯告成，謹綴數語，是爲序。

臺灣省文獻委員會
主任委員

簡榮聰

謹序於臺灣歷史文
化園區臺灣文獻史料館

中華民國八十四年三月

余司鐸南詔於康熙乙丑春獲交珠浦江子東旭蓋循
循然忠厚博物君子也嗣出其所輯臺海外誌若干卷
而屬序於余余讀其書起明季迄我
朝歸順垂六十年具間島澳之阻絕城壘之沿革鎮將
營弁忠順背逆以及

朝廷之征討招徠沿海戰征區畫靡不廣羅窮搜瞭如
指掌洵志乘之大觀班馬之倫匹也蓋嘗論之作史有
三長曰才曰學曰識非具曠世之才者不能盱衡千古
驅策百家非負蓋世之學者不能參稽明備討論精詳

至其權衡統系斟酌褒譏之得宜非抱卓絕之識者不能辯也故作史難而作偏隅之史為尤難考鄭成功以有明賜姓逃竄臺灣奉永曆故朔三十七年誌其仗義執言全髮守節庶幾齊田橫唐虬髯之遺風不可謂非偉男子然以我

朝視之則固勝國遊魂海隅窮魄者也律以犯邊梗化夫復何辭作史者當

聖朝全盛之時紀窮邊島嶼竊據之跡使孤忠遺憤獲伸於光天化日之下不戛乎其難哉今是編所紀鄭氏

於其不忘故國也如覩閩關百粵天威咫尺之誠於其
接遇王孫也如見相依為命保護備至之誼忠肝義膽
赫赫如在目前至叙

今上之殷憂南顧議撫議剿六月興師而鄭氏賓服臺
灣底定亘古未有大一統之天下也非江子才學素優
而抱卓絕之識者烏能辨此哉他如寧靖王之就義從
容五姬殉節與夫忠臣志士閨壺節烈者尤惓惓三致
意焉江子豈獨備史氏三長抑且有功于名教立頑起
懦不朽矣是為序三山弟岷源陳祈永拜撰

天下無可輕之人物亦無可棄之土地蓋土地與人物
為表裏人能立志立名則隨其所至之處皆成乾坤人
因地而傑地亦因人而靈如今日之臺灣是也臺灣原
荒服從古以來未有人民居焉其間自鄭成功逃遁于
此輦輅而開斯土其子經承厥基業志效田橫假明故
朔四十年雖有抗逆
天威擾害沿海居民然我

皇上巍巍至德休休有容憐其忠義棄其小嫌歷年遣
官招撫義不歸誠成功不失為守志之士經亦不失為

承業之子是臺灣王成功父子而重也迨氣運告終而
勝國子孫有寧靖王朱術桂全家盡節彼濤為之嘆氣
風雨為之墮淚是臺灣又因寧靖王而重也嗚呼寧靖
王死得其名善矣哉但鄭氏握兵權于海隅即前犯江
南後犯閩粵是天下止知有成功與經不知有寧靖王
朱術桂也設使寧靖王其名亦與敗葉腐草同寂寂而
無聞不幾為臺灣之山靈所笑乎為其從容就義無慙
勝國遺風不負成功開闢之壯志亦不負經固守之苦
心且五姬慷慨輕生氣勝男子而臺灣之山川草木不

因此而增光乎今東土人心順天意而歸

本朝遂將臺灣之地收入版圖我

皇上得此車書一統之盛大沛

恩膏深加

軫卹俾番津生靈各得其所是臺灣又被

帝德之光將來甲于天下而愈添其生色也夫以窮海

遠濟之道有存誠守義之志士捨生就死之王孫豈有

英傑雄偉懋建殊勲標名麟閣至于高人隱士閭閻節

烈又昭昭在人耳目間則臺灣之外誌不可不修也余

臺灣外志

予與江子東旭計別二十有三秋矣一旦見于鵝城水濱相視其夢耶真耶鬚已蒼髮已斑幸顏如昨而力尚壯遂相携登舫市酒痛飲索別後歷覽佳句出其所輯臺灣外誌一書展閱凡例內有臺灣地將靈矣天必先假手顏思齊為之引子紅毛夷為之規模鄭成功為之開闢俾

本朝收入版圖設為郡縣以垂萬世則全部瞭如指掌又何用細閱紀年章節哉第不細加讀繹安知其盛衰有數忠節有人來跡去路事蹟茫然是以典春衣得大

白竭二晝夜之功方悟尤展成太史西堂集中有草雞
夜鳴長耳大尾之識茲首卷應之末卷釋之信天為善
作文章手段引子者破承也規模者起講也開闢者二
比落題也收為郡縣則中股結束文章成矣何以見夫
善作當成功舍父忠君其間誠偽正曹操死于獻刀王
莽死於下士此固未從深論但其守故朔遁臺灣與勝
國宗室故老相守矢志不貳亦黃冠故卿足以風後世
為人臣者且可以佐

本朝開縱未有土地奠安東南半壁假若犯江南歸而